



Hafiza Salyahova,

jurnalist, Farg'ona viloyati

Oromgohlar bolajonlar xizmatida

Yoz bolajonlarimiz uchun yorqin voqe'lklarga boy va alohida quvonch baxsh etuvchi fasldir. Xalqimiz bolajon xalq. Yoz faslida maktabdan ta'tilga chiqqan bolajonlarga ularning dam olishlari uchun alohida g'amxo'rlik ko'rsatiladi. Mamlakatimizning barcha shahar va viloyatlarida bo'lgani kabi Farg'ona viloyatida ham barcha oromgohlar bolajonlar uchun o'z quchog'ini ochadi. Viloyatda ulg'ayayotgan bolajonlarning jami 32 mingdan ziyod nafari ko'ngildagidek dam olishi uchun qulay sharoitlar yaratib qo'yilgan. Farg'onalik bolalarning 20 ming nafari uchun viloyatdagi 118 ta umumiy ta'lim maktablari qoshida sog'lomlashtirish oromgohlari tashkil etilgan. «O'zbektelekom» AK Farg'ona filialida xizmat qilayotgan mutaxassis-xodimlarining farzandlari har yildagidek bu yil ham maroqli hordiq chiqarishlari uchun turli oromgohlarda qulay imkoniyatlar taqdim etildi. Avvaldan hozirlik ko'rilgan oromgohlar bolajonlarning yozgi ta'til davriga shay qilib qo'yildi.

Joriy yildagi yozgi ta'til mavsumida «O'zbektelekom» AK Farg'ona filiali ishchi-xodimlarining farzandlari sog'lomlashtirishi uchun qanday oromgohlar taqdim etildi? Savolimga filial sex kasaba qo'mitasining raisi Husanboy Abdurahimov quyidagicha javob berdi: «Bolalarimizga Qo'qondagi «Koinot» va Quvasoydagi «Nihol» oromgohlarida miriqib dam olish taqdim etilgan. Bugungi kunda bolajonlarning dastlabki jamoasi dam olmoqda. Bu yil filialimizga 140ta yo'llanma ajratilgan edi, biroq uyushmamiz mablag'lari bisobidan yana 20ta yo'llanmani sotib olishga qaror qilganmiz. Bolalar sog'lig'i uchun har qancha mablag' sarflasak arziydi, albatta».

Ha, Husanboyda bolalar taqdiri, iqboli uchun mas'ullik hissi nihoyatda kuchli, qani endi, hamma ham shunday bolajon bo'lsa,

farzandlarimiz sog'-salomat, aqlli, sog'lom tafakkurli bo'lib kamolga yetardi, albatta. Buni yaxshi bilgan rahbariyat ham ushbu mas'uliyatli vazifani unga ishonib topshirgan. Ota-onalarning ham jondan aziz farzandlari oromgohlarga dam olishlari hamda esomon qaytishlari uchun mas'ul bo'lgan bunday fidoyi kasaba qo'mitasiga ehtiromlari beqiyos.

Ayni kunlarda bolajonlar qanday dam olmoqdalar? Ularning kundalik hayotlari qanday kechmoqda? Maktabdagi darslar, soatlab partada o'tirishdan uzoqlashib, uy vazifalaridan «qutilib», qanday dam olmoqdalar? To'garaklar faoliyati qanday yo'lga qo'yilgan? Yotoq joylari, suv havzalari pokizami? Bolalarning quvnab-yayrashlari uchun zarur shart-sharoitlar yaratilganmi? Shu va shu kabi savollarga javob olish uchun Quvasoydagi «Nihol» oromgohida bo'ldik. Yuqoridagi savollarga filial sex kasaba qo'mitasi raisining o'zi qisqacha javob berdi:

— Men kunda-kunora kelib, bolalardan xabar olib turibman. Hammasi joyida: taomlar ratsioni ham, pokizalik ham, to'garaklar isbidan ham ko'ngil to'ladi. Faqat, rosti, ba'zi ma'ruzali tadbirlar, mening nazarimda, cho'zib yuborilyapti. 45 daqiqali darslardan charchagan bolalarga tadbirvozlikning keragi bormikin? Zukkolik, topqirlik musobaqalari, tanlovlar, sport o'yinlari, suv havzasida mazza qilib suzish butunlay boshqa gap. Nihoyatda foydali. Bola o'ynab-kuladi, chiniqadi. Kuzatishimcha, bolalar smena ocbilishi tadbirini juda yaxshi ko'radilar. Barcha tadbirlar shunaqa — ko'tarinki rubda bo'lishi maqsadga muvofiqdir.

Buni atrofimizni o'rab olgan bolalar ham jo'r ovozdada tasdiqlashdi: Xuddi shunday! Zo'r!



— Bo'lmamchi, «Gulxan» tantanasi hammamizga juda yoqadi. Biz bosqlang'ichda o'qigan yillarimizdan buyon shu oromgohda dam olamiz, — deyishdi Islombek Rafiqjonov bilan Shohjahon Shoirjonovlar.

— «Gulxan» atrofida hamma o'zining san'ati, mabaratini namoyish qiladi. Kimdir qo'shiq kuylaydi, kimdir raqsga tushadi. Qanday qilib, asbula aytib, raqsga tushib ketganingni bilmay ham qolasan!

— Yana-chi, oromgohning yana nimasi yoqadi? — so'rayman. Javob aniq.

— «So'lim tabiati, ingliz tili to'garagi masbg'ulotlari, tarbiyachi aka va opalarning bilimdonligi, suzish, sport musobaqalari...».

Yana shunisi quvonchlik, ahil jamoadagi bolajonlar ko'ngliga yaqin bo'lgan: «Kim bo'lsam ekan?» kabi mavzulardagi suhbatlar ham o'tkazilarkan. Bunday dili orzular bilan jo'shgan bolajonlar, bo'lajak olim, shifokorlar, tadbirkor va iqtisodchilarning suhbatini tinglash g'oyat huzurbaxsh bo'larkan!

Oromgohda kechgan unutilmas kunlarning afzallik jihatlari juda ko'p. Bu haqda nabiralarini ko'rgani qizi — 226-ATS muhandisi Munavvarxon Hakimova bilan kelgan Munojatxon Alimova (Munojatxon uzoq yillar filialda muhandislik lavozimida ishlab hurmat qozongan, hozirda keksalik gashtini surayotgan baxti bekam buvajonlardan biri)ning fikri bilan qiziqdik. Uning javobi ham yoqimli bo'ldi:

— Oromgoh ham o'ziga xos tarbiya maskani. Nabiralarimning «Musavvir» to'garagida erishgan ilk yutuqlari taqdirlanganidan boshim osmonga yetdi. Bu yil ham shu to'garakda qalamlari chaxrlanyapti. Oromgoh bayotida katta hikmat yasbirin. Bolalarimiz bunda otanasini, bobo-buvisi baqida o'ylaydi. O'z imkoniyatlari, iqtidorini

rivojlantiradi, fikrlaydi, dunyoqarashini kengaytiradi, o'zini boshqalarga solishtiradi, kamchiliklari, zaif tomonlarini sezib, yo'qotishga barakat qiladi. Murosai madora, muloqot madaniyati paydo bo'lishini, kun tartibi qat'iyligini aytib. Tan olaylik. Yotgan joylarini tartibga keltirib, kiyim-bosqlarini joy-joyiga qo'yish, o'ziga qarab, ozoda yurish ko'nikmasini shakllantirishda oromgohning muhim ahamiyati bor. Xullas, biz uyda o'rnatolmagan ba'zi tartiblarni oromgoh o'rgatadi, ko'niktiradi. Bu tartibda «pishgan» bola harbiy xizmat sinovlariga ham dosh beradi, esankirab qolmaydi. Qarang, nevaralarim ukalari Mubammaddiyorni qanchalar sog'inishibdi, ukajonlari esa ularni. Ko'rib turibsizlarki, sog'inch tuyg'ularida ham xosiyat ko'p...

Qizalog'i Husnidani ko'rgani kelgan 225-ATS muhandisi Umaraliyeva dil so'zlarini shunday bayon etdi: Qizim juda tortinchoq, kamgap edi. O'tgan yili «Nihol»da dam olib, uyga qaytgach, uning o'zgargani darrov sezilgandi. Avvalo mehribon qizga, mehribon singilga aylandi. Fikr-mulohazalarini qo'rqmay dadildadil aytadigan bo'ldi. Fursati yetganda aytay, buning uchun biz kompaniyamiz rabbariyatiga, kasaba uyushmalari federatsiyasiga, filialimiz rabbariyatiga hamda kasaba uyushmalarimizga, oromgoh tarbiyachilariga ota-onalar nomidan cheksiz minnatdorchiligimizni izhor etamiz. Rahmat!

Suhbatimizga qo'shilgan oromgoh hamshirasi Nilufarxon Jo'raboyevaning fikri muloqotimizga o'zgacha yakun yasadi: Eng asosiysi, oromgohimizda har yilgi mavsumda 800 nafardan ko'proq bolani sog'lomlashtiramiz. Ular tiniqib, bordini chiqarib, yangi kuch bilan uylariga qaytadilar. Bu xayrli isbda jamoamizning ham munosib hissasi borligidan faxrlanamiz! 🇺🇿